


بِسْمِ اللَّهِ الرَّحْمَنِ الرَّحِيمِ

*.....Ajeti i Pastrimit në burimet sunnite dhe shiite.....*


.....Xhafer Subhani.....

# **NË TRYEZËN E KUR'ANIT DHE SUNNETIT**

**(Ajeti i Pastrimit në burimet  
sunnite dhe shiite)**



**Tiranë, 2015**



.....Ajeti i Pastrimit në burimet sunnite dhe shiite.....

## **Titulli: Në tryezën e Kur'anit dhe Sunnetit**

(Ajeti i Pastrimit në burimet sunnite dhe shiite) 2

Autori: Xhafer Subhani

E përktheu nga gjuha arabe:

Vullnet MERJA

E redaktoi: Liseda RAMAJ

E korrektoi: Vjollca KARAJ

Përgatitja grafike dhe kapaku:

Sabrie FEZA

Botoi: Shoqata "FLLADI"

## **Ajeti i Pastrimit në burimet sunnite dhe shiite**

*Hyrje*

*Me emrin e Allahut, të  
Gjithëmëshirshmit, Mëshirëplotit*

Allahu i Madhëruar thotë: “...O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.” (Sure “Ahzab”, ajeti 33)

إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيراً

.....Ajeti i Pastrimit në burimet sunnite dhe shiite.....

Falënderimet janë për Zotin e botëve. Paqja dhe bekimet e Allahut qofshin mbi profetin Muhamed, mbi familjen e tij të pastër dhe mbi shokët e tij të zgjedhur!

Ne myslimanët debatojmë për çështje të brendshme, ndërkohë që armiqtë e Islamit na kanë përçarë pa u ndjerë. Ne jemi dobësuar për të mbrojtur vendet tona dhe armiqtë na kanë sunduar. Allahu i Madhëruar thotë: **“Bindjuni Allahut dhe të Dërguarit të Tij dhe mos u grindni ndërmjet jush, sepse do të humbni guximin e do t’ju lërë fuqia. Bëhuni të durueshëm, se Allahu, me të vërtetë, është me të durueshmit.”** (Sure “Enfal”, ajeti 46)

.....Xhafer Subhani.....

وَأَطِيعُوا اللَّهَ وَرَسُولَهُ وَلَا تَنَازَعُوا فَتَفْشَلُوا وَتَذْهَبَ رِيحُكُمْ

Sot, në këto ditë dhe në çdo kohë ne duhet të kthehemi te Libri (Kur’ani) dhe te sunneti (fjalët, veprat dhe miratimet e profetit Muhamed) për mosmarrë-veshjet që kemi dhe t’u bashkohemi këtyre dy burimeve, ashtu siç thotë Allahu i Madhëruar: “...Nëse nuk pajtoheni në ndonjë gjë, drejtojuni Allahut dhe të Dërguarit...” (Sure “Nisa”, ajeti 59)

فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ

Në këtë seri hulumtimesh do të bazohemi te Libri dhe te Sunneti, për të na i ndriçuar çështjet e papajtueshme dhe që këto hulumtime, me lejen e Allahut, të jenë faktorë të bashkimit të fjalës sonë.

*.....Ajeti i Pastrimit në burimet sunnite dhe shiite.....*

Shpresojmë që dijetarët të bashkohen me ne në këtë fushë dhe së bashku të përpiqemi t'i shkulim rrënjët e mosmarrëveshjeve e të mospajtimit dhe në vend të tyre të mbjellim farën e dashurisë, të mirëkuptimit dhe të unitetit. Vërtet, Allahu është Mbarësuesi dhe Atij i mbështetemi për gjithçka.



## **Ajeti i Pastrimit në burimet e Ehli Sunnetit**

### **Kur Profeti pa mëshirën e zbritur**

Hakimi në librin e tij *“El Mustedrek ala Sahihejn fil hadithi”* transmeton nga Abdullah ibn Xhafer ibn Ebu Talib, se ka thënë: *“Kur Profeti pa mëshirën e zbritur, tha: ‘Më thërrisni ata, më thërrisni ata...’ Safija i tha: ‘Cilin, o i Dërguari i Allahut?’ Ai tha: ‘Ehli Bejtin tim, Aliun, Fatimenë, Hasanin dhe Hysejnin.’ Ata i sollën dhe Profeti hodhi mbi ta rrobën e tij. Pastaj ngrii duart dhe tha: ‘O Zot im! Kjo është familja ime. Bekoje Muhamedin dhe familjen e Muhamedit.’”* Allahu i Madhëruar e i Lartësuar zbriti ajetin: **“O Familje e**

.....Ajeti i Pastrimit në burimet sunnite dhe shiite.....

**Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”** (Sure “Ahzab”, ajeti 33)<sup>1</sup>

إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيراً

---

<sup>1</sup> Abdullah ibn Xhafer, dhu xhenahejn (me dy krahë), ibn Ebi Talib. Nëna e tij është Esma bint Umejsh El Kheth’amijeh. Lindi në Habeshe dhe e ka arritur Profetin. Ka vdekur në vitin 80 të hixhretit. Terxhemetuhu bi Esedul Gabeh, 3:33. El Hakim është imami i muhadithëve. Emri i tij është Ebu Abdullah Muhamed ibn Abdullah En NijSaburij (Ka vdekur në vitin 405 të hixhrit.) Hakimi ka pozitën më të lartë të muhadithëve te dijetarët e Ehli Sunnetit. E para gradë tek ata është muhadith, pastaj el hafidh, pastaj el huxhetu, pastaj el hakim. Shih *El Mukhtasar fi ilmi rixhal el Ether*: 71.

El Hakimi ka thënë: “Ky është hadith i saktë në esnad (zinxhir transmetimi).”<sup>2</sup>

## Lloji i mbulesës:

### a) Në hadithin e Aishesë<sup>3</sup>

Transmetohet nga Myslimi në *Sahihun* e tij, Hakemi në *Mustedrekun* e tij, El Bejhekij në *Sunenin el Kubra* e gjithashtu edhe Et Tabarij, ibn Kethijr dhe Sujutij në tefsiret e tyre në komentimin e ajetit, shprehja është e të parit, nga Aisheja, e cila ka thënë: “Doli Profeti sapa u zgjua

---

<sup>2</sup> *Mustedrek El Hakim ala Sahihejni*, 3: 147-148.

<sup>3</sup> Aishe bint Ebu Bekr. Profeti u martua me të 18 muaj pas emigrimit të tij në Medine. Ka ndërruar jetë në vitin 57, 58 ose 59 të hixhrit. Xhenazen e saj e ka falur Ebu Hurejra dhe është varrosur në Baki'. Shih hadithet e Aishes.

.....Ajeti i Pastrimit në burimet sunnite dhe shiite.....

nga gjumi dhe kishte veshur një gunë leshi të zezë. Në këtë moment, erdhi Hasani, i biri i Aliut, pastaj erdhi Hysejni, Fatimeja dhe Aliu e pastaj tha: **"...O Familje e Profetit! Në të vërtetë, Allahu do që ta largojë prej jush papastërtinë dhe t'ju pastrojë plotësisht."** <sup>4</sup>

---

<sup>4</sup> Transmetuesit e hadithit të nënës së besimtarëve Aishesë: E transmeton Myslimi në *Sahihun* e tij, kapitulli: *Fadail Ehli Bejti Nebij*, 7:130. El Hakim në *Mustedrek ala Sahihejn*, 3: 147. El Bejhekij në *Sunenu el Kubra*, kapitulli, *Bejan Ehlil Bejt*" që janë Alihi, 2:149. Në komentimin e ajetit (33 të sures "Ahzab" te tefsiri i Tabariut, *Xhamiul Bejan*, 22:5. *Tefsir ibn Kethijr*, 3:485. *Xhamiul Usul*, 10:101-102. *Tejsirul Usul*, 3:2917. *Tefsir Es Sujutij Ed Durrul Menthur*, 5:198-199.

## b) Në hadithin e Umu Selemes <sup>5</sup>

Tabarij dhe Kurtubij kanë transmetuar në tefsiret e tyre nga Umu Seleme, e cila ka thënë: **“Kur ka zbritur ajeti: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’, Profeti ftoi Aliun, Fatimenë, Hasanin dhe Hysejnin dhe i mbuloi me rrobën khajberijeh (rrobë që prodhohej në Khajber)...”**<sup>6</sup>

---

<sup>5</sup> Umu Seleme është Hindi vajza e Ebij Umejetu el Karashij el Mekhzumij. Profeti u martua me të pas vdekjes së bashkësorit të saj Ebu Seleme, ibn Abdul Esed, si pasojë e plagëve që mori në betejën e Uhudit. Ajo ka ndërruar jetë pas martirizimit të Hysejnit (Paqja qoftë mbi të!) në vitin 60 të hixhrit. Biografia e tij në *Usdul Gabeh* dhe *Takrijbu Tahdhijb*.

<sup>6</sup> E ka transmetuar këtë Hadith Ebu Said el Khuderij nga Umu Seleme. Po ashtu, përmendet edhe në tefsirin e këtij ajeti te *Tefsir et Tabarij*, 22:6.

.....Ajeti i Pastrimit në burimet sunnite dhe shiite.....

Në një hadith tjetër, po nga Umu Seleme thuhet se ka thënë: *“I mbuloi ata me (abaetun) pelerinë.”*<sup>7</sup>

Këtë e transmeton Es Sujutij në tefsirin e tij dhe po ashtu, edhe ibn Kethijri flet për të.

---

<sup>7</sup> Hadithin e ka transmetuar prej saj Shehr ibn Husheb. Po ashtu, në tefsir et Tabarij, 22:6. Për të tregon edhe ibn Kethijri në tefsirin e tij, 3:485.

## **Mënyra e qëndrimit të Ehli Bejtit nën Kisa (mbulesë)**

### **a- Në hadithin e Umer<sup>8</sup> ibn Ebu Seleme**

Tabarij dhe ibn Kethijri në tefsiret e tyre, Termidhi në *Sahihun* e tij, Et Tahauij në *Meshakilul Athar* dhe shprehja është e të parit, transmetojnë nga Umer ibn Ebu Seleme, i cili ka thënë: “*Ky ajete: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju*

---

<sup>8</sup> Umer ibn Eb u Seleme el Kureshij el Makhzumij, të cilin e ka rritur i Dërguari i Allahut. Nëna e tij është Umu Seleme. Lindi në tokën e Habeshes. Ka marrë pjesë në betejën e Sifinit me Aliun. E ka caktuar në Bahrej dhe në Persi. Ka vdekur në Medine në vitin 83 të hixhrit. Biografia e tij në *Usdul Gabe*, 4:79.

.....Ajeti i Pastrimit në burimet sunnite dhe shiite.....

**pastrojë plotësisht.**<sup>9</sup> i ka zbritur profetitet Muhamed (Paqja dhe bekimet e Allahut qofshin mbi të dhe mbi familjen e tij!) në shtëpinë e Umu Selemes. Ai ftoi Hasanin, Hysejnin, Fatimenë dhe i uli pranë vetes. Ai ftoi edhe Aliun dhe e uli pas tij. Më pas, ai dhe ata u mbuluan me rrobë. Pastaj tha: “O Zoti im! Këta janë Ehli Bejti im. Largoje prej tyre papastërtinë dhe pastroji ata plotësisht.”<sup>9</sup>

Në transmetimin e ibn Asaker, Umu Seleme ka thënë: “Më vendos me to.” Profeti i tha asaj: “Ti qëndro në vendin tënd. Ti je në mirësi.”

---

<sup>9</sup> Sahihu Termidhij, 12:85, tefsiri i ajetit. Tefsir Et Tabarij, 22:7. Ibn Kethijr, 3:485. Meshakilul Athar, 1:335. Xhamiul Usul, 10:101. Ibn Asaker, 5/1/16.



## **b- Në hadithin e Uathileh ibn el Eska<sup>10</sup> dhe Umu Selemes<sup>11</sup>**

E uli Aliun dhe Fatimenë para dhe Hasanin e Hysejnin në kofshën e tij apo në prehrin e tij. Po ashtu, nga Uathileh ka transmetuar edhe Hakimi në *Mustedrekun* e tij, i cili ka thënë: “Ky hadith është i

---

<sup>10</sup> Uathileh ibn el Eska' ibn Ka'b el Lejthi. Ai e pranoi Islamit para betejës së Tebukut. Thuhet se i ka shërbyer Profetit tre vjet. Ka vdekur pas vitit 80 në Damask apo në Bejtul Makdes. Biografia e tij në *Esedul Gabe*, 5:77.

<sup>11</sup> *Mustedreku Sahihejn*, 2:416 dhe 3:147. Ka thënë sipas kushtit të dy Shehlerëve (Buhariut dhe Myslimit). *Mexhmau Zeuaid*, 9:167. *Meshakilul Athar* i Tahauajj, 1: 335. *Ibn Asaker*, 5:1, kreu 16.

.....Ajeti i Pastrimit në burimet sunnite dhe shiite.....

saktë, sipas kushtit të Buhariut, Muslimi dhe të El Hejthemij në Mexhamu Zeuaid.”<sup>12</sup>

Nga Umu Seleme kanë transmetuar: Tabarij, ibn Kethijri dhe Es Sujuti, në tefsiret e tyre; El Bajhakij në Sunenin e tij el *Kubra* dhe Ahmedi në Sunenin e tij.

---

<sup>12</sup> *Tefsir Tabarij*, 22:6. *Ibn Kethijr*, 3:483. *Es Sujuti* në *Ed Durerul Menthur*, 5:198. *Sunen El Bajhakij*, 2:152. *Musned Ahmed*, 4:170.

## **Vendi i grumbullimit të Ehli Bejtit** **(Paqja qoftë mbi ta!)**

### **a- Në hadithin e Ebu Said el Khuderi**

Në tefsirin e ajetit te tefsiri *Ed Durerul Menthur* i Sujutit transmetohet nga Ebu Said el Khuderi, <sup>13</sup> i cili ka thënë: *“Ishte dita e Umu Selemes, nënës së besimtarëve dhe Xhebraili (Paqja qoftë mbi të!) zbriti këtë ajet: “O Familje e Profetit! Në të vërtetë, Allahu do që ta largojë prej jush*

---

<sup>13</sup> Në disa rrugë të tjera të transmetimit të hadithit duket se Ebu Said e ka transmetuar katë hadith nga vetë Umu Seleme. Ebu Said El Khuderi është Sa’d ibn Malik El Ensarij El Khazrexhij. Ka parë betejën e Hendekut dhe ato pas saj. Ka vdekur në Medine pas vitit 70 të hixhrit. Biografia e tij në *Usdul Gabe*, 2:289.

.....Ajeti i Pastrimit në burimet sunnite dhe shiite.....

**papastërtinë dhe t’ju pastrojë plotësisht.”**  
*Profeti ftoi Hasanin, Hysejni, Fatimenë dhe Aliun. Ai i grumbulloi ata dhe i mbuloi me rrobë. Umu Seleme kishte veshur hixhabin. Pastaj Profeti tha: “O Zoti im! Këta janë Ehli Bejti im. O Zoti im! Largoje prej tyre papastërtinë dhe pastroji plotësisht ata.” Umu Seleme tha: “Unë jam me ata, o i Dërguari i Allahut?” Ai tha: “Ti rri në vendin tënd. Ti je në mirësi.”<sup>14</sup>*

## **b- Në hadithin e Umu Selemes**

Në tefsirin e ajetit tek ibn Kethijri, Es Sujuti, Sunen el Bejhekij, Tarikhu Bagdadij i El Khatijb, Mushkilul Athar i Tahauj, (shprehja është e të parit), transmetohet nga Umu Seleme, e cila ka

---

<sup>14</sup> Tefsiri i ajetit në *Ed Durerul Menthur*, 5:198.

thënë: “Në shtëpinë time ka zbritur ajeti: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’ Në shtëpi ndodhej Fatimeja, Aliu, Hasani dhe Hysejmi. I Dërguari i Allahut i mbuloi me rrobën që kishte mbi vete. Pastaj tha: ‘Këta janë Ehli Bejti im, prandaj largoji prej tyre papastërtitë dhe pastroji ata plotësisht.’”<sup>15</sup>

Në transmetimin e El Hakimit në Mustedrekul Sahihejn gjithashtu, ajo ka thënë: “Në shtëpinë time zbriti.”

---

<sup>15</sup> Sunen El Bajhakij,2:150. Komentimi i ajetit tek ibn Kethijr, 3:483. Es Sujutij, 5:198. Në thënien e El Hakim në komentimin e ajetit, 2:416 gjithashtu përcjell nga Umu Seleme: (Në shtëpinë time zbriti). Tarikhu Bagdad, 9:126. Mushkilul Athar, 1:334. Xhamiul Usul, 10:100. Tefsir Eth Tha’lebij, 3:228. Tejsirul Usul, 3:297. Ibn Asakir, 5:1, 13 a-b dhe 16 a.

.....*Ajeti i Pastrimit në burimet sunnite dhe shiite.....*

Te Sahihu Termidhij,<sup>16</sup> në kapitullin *Virtytet e Fatimesë*, në Er Rijadu Nadretu dhe në Tehdhijbu Et Tehdhijb, i Dërguari i Allahut ka thënë: *“O Zoti im! Këta janë Ehli Bejti im dhe të veçantit e mi. Largoje prej tyre papastëtinë dhe pastroji plotësisht ata.”*<sup>17</sup>

Në Musnedin e Ahmedit thuhet se Umu Seleme ka thënë: *“Unë futa kokën në shtëpi dhe thashë: ‘Edhe unë jam me ju, o i Dërguari i Allahut?’ Ai tha: ‘Ti je në mirësi, ti je në mirësi.’”*

---

<sup>16</sup> Termidhij ka thënë: Te kreu nga Umer ibn Ebu Seleme, Enes ibn Malik, Ebu Hamra, Ma’kel ibn Jesar dhe Aisheh.

<sup>17</sup> Sahijhu Termidhij, kreu *Virtytet e Fatimesë*, 13:248 dhe 249. *Tehdhijju Et Tehdhijb*, 2:297 në biografinë e Hasanit. Er Rijadu Nadhratu, 2:248 përmendi veçantinë se ai (Aliu), bashkëshortja e tij dhe dy djemtë e tij janë Ehli Bejt. Ibn Asaker, 5:1,14 b.

Në një transmetim tjetër ka thënë:  
“Unë e ngrita rrobën që të hyja me ta, por ai  
ma tërhoqi nga dora dhe tha: ‘Ti je në  
mirësi.’”<sup>18</sup>

Në transmetimin e El Hakimit në  
*Mustedrekun* e tij thuhet se Umu Seleme ka  
thënë: “O i Dërguari i Allahut, a nuk jam unë  
prej Ehli Bejtit?” Ai tha: “Ti je në mirësi dhe  
këta janë Ehli Bejti im. O Zoti im! Ehli Bejti  
im kanë më shumë të drejtë.”<sup>19</sup>

---

<sup>18</sup> Musned Ahmed, 6:292 dhe 323.

<sup>19</sup> Mustedrekul Hakim, 2:416, në komentimin e  
ajetit të sures “Ahzab”.

.....Ajeti i Pastrimit në burimet sunnite dhe shiite.....

## **Kush ishte në shtëpi kur zbriti ajeti?**

Në tefsirin e Es Sujutijt dhe në Mushkilul Athar (shprehja është e të parit) thuhet se Umu Seleme ka thënë: *“Ky ajet ka zbritur në shtëpinë time dhe në shtëpi ishin shtatë: Xhebraili, Mikaili, Aliu, Fatimeja, Hasani, Hysejni. Unë isha te dera e shtëpisë. Unë i thashë: “O i Dërguari i Allahut! A nuk jam prej Ehli Bejtit?” Ai tha: “Ti je në mirësi, ti je në mirësi, ti je prej bashkëshorteve të mia.”*<sup>20</sup>

---

<sup>20</sup> Tefsiri i ajetit tek Ed Durerul Menthur, 5:198. Shih, Mushkilul Athar, 1: 233. Tejsjirul Usul, 3: 297. Xhamiul Usul, 10: 100. Ibn Asakir, 5:1,15 b.



## Si ishin Ehli Bejti kur zbriti ajeti?

Në tefsirin e Et Tabarij transmetohet nga Ebu Said el Khuderij, nga Umu Seleme: *“Ky ajet ka zbritur në shtëpinë e saj: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’ Ajo ka thënë: ‘Unë isha ulur tek dera e shtëpisë.’”*<sup>21</sup>

Në Tefsirin e Et Tabarij, gjithashtu transmetohet nga Umu Seleme, e cila ka thënë: *“Ata u grumbulluan me të Dërguarin rreth qilimit dhe Profeti i mbuloi me rrobën që kishte mbi vete. Pastaj ai tha: “Këta janë Ehli*

---

<sup>21</sup> Komentimi i ajetit tek Xhamiul Bejan i Et Tabarij.

.....Ajeti i Pastrimit në burimet sunnite dhe shiite.....

*Bejti im dhe largoje prej tyre papastërtinë dhe pastroji plotësisht ata.” Ky ajet zbriti kur ishin të mbledhur në qilim. Umu Seleme ka thënë: “I thashë: ‘O i Dërguari i Allahut! Po unë? Beto hem në Allahun, a nuk begato hem?’” Ai tha: ‘Ti je në mirësi.’”<sup>22</sup>*

---

<sup>22</sup> I njëjti burim.

## Sqarimi i fjalëve të ajetit

Ragibi në librin e tij *“Mufredatul Kur’an”*, tek lënda *“reude”* ka thënë: *“Nëse thuhet “Allahu deshi.”, atëherë kuptimi i tij është vendim.”*

Tek lënda *“er rixhsu”* ka thënë: *“Er rixhsu është diçka e ndytë. Ai ka thënë: “Er rixhsu në katër lloje: ose për nga natyra, ose nga ana logjike, ose nga ana e sheriatit, ose nga të gjitha, siç është ngordhësira, alkooli dhe shirku (politeizmi)”- përfundon shkurtimisht.*

Në tefsirin Eth Thalebij, *Er rixhsu* është emërtim për gjynahun, për dënimin, për ndytësitë dhe për të metat. Të gjitha këto Allahu i ka larguar nga Ehli Bejti.<sup>23</sup>

---

<sup>23</sup> Tefsir Eth Tha’lebij, 3:228.

.....Ajeti i Pastrimit në burimet sunnite dhe shiite.....

Fjala “*Er rixhsu*” përmendet edhe në këto ajete të Kur’anit të shenjtë: **“Me të vërtetë, pijet alkoolike, bixhozi, idhujt dhe shigjetat e fallit janë vepra të ndyta nga punët e djallit...”** (Sure “Maide”, ajeti 90)

...إِنَّمَا الْحَمْرُ وَالْمَيْسِرُ وَالْأَنْصَابُ وَالْأَزْلَامُ رِجْسٌ مِنْ عَمَلِ الشَّيْطَانِ...

Dhe: **“...Prandaj, largohuni prej ndytësisë së idhujve dhe largohuni prej fjalëve të rreme.”** (Sure “Haxh”, ajeti 30)

وفي قوله: ...فَاجْتَنِبُوا الرِّجْسَ مِنَ الْأَوْثَانِ...

Dhe: **“...përveç kafshëve të ngordhura, gjakut të derdhur, mishit të dërrit, se këto janë të ndyta...”** (Sure “En’am”, ajeti 145)

وقوله: إِلَّا أَنْ يَكُونَ مَيْتَةً أَوْ دَمًا مَسْفُوحًا أَوْ لَحْمَ خنزيرٍ فَإِنَّهُ رِجْسٌ...

Dhe: **“...Kështu, Allahu i ndëshkon ata që nuk besojnë.”** (Sure “En’am”, ajeti 125)

وقوله: ...كَذَلِكَ يَجْعَلُ اللَّهُ الرِّجْسَ عَلَى الَّذِينَ لَا يُؤْمِنُونَ

Dhe: “...Largohuni prej tyre! Ata janë të ndyrë...” (Sure “Teube”, ajeti 95) Kjo thënie është për dyfytyrakët.

وقوله: فَأَعْرِضُوا عَنْهُمْ إِنَّهُمْ رَجَسٌ

Dhe: “Ai tha: ‘Tashmë, ju ka rënë dënimi dhe zemërimi i Zotit tuaj...’” (Sure “A’raf”, ajeti 71) Me këtë thënie Allahu i drejtohet popullit të Nuhut.

قَالَ قَدْ وَقَعَ عَلَيْكُمْ مِنْ رَجْسٍ وَعَصَبٌ...

Çështja e pastrimit (*et tat'hijr*) në këtë ajet është njësoj si çështja në thënien e Allahut të Madhëruar: “(Kujto) **kur melekët thanë: ‘O Merjeme! Allahu të ka zgjedhur, të ka pastruar dhe të ka parapëlqyer ty mbi të gjitha gratë e botës.’**” (Sure “Ali imran”, ajeti 42)

Fjala “*el Kisa*” në hadith është për rrobën, siç është “*el abaetu*” (mantel) që vishet mbi rroba.

.....Ajeti i Pastrimit në burimet sunnite dhe shiite.....

## Komentimi i ajetit në hadithe

Në tefsirin Es Sujutij transmetohet nga ibn Abasi, i cili ka thënë: *“I Dërguari i Allahut ka thënë: ‘Vërtet, Allahu e ndau krijimin në dy pjesë dhe mua më ka bërë pjesë tek e mira e pjesëve’ e deri te thënia e tij: ‘E më ka dhënë mua më të mirën shtëpi të tyre e kjo është edhe thënia e Allahut të Madhëruar: “O Familje e Profetit! Në të vërtetë, Allahu...”’*. Prandaj unë dhe Ehli Bejti im jemi të pastruar nga gjynahet.”<sup>24</sup>

Në transmetimin e Ed Dahak<sup>25</sup> ibn Muzahim te tefsiri i Es Sujutij thuhet:

---

<sup>24</sup> Tefsiri i ajetit te *Ed Durul Menthur*, 5:199.

<sup>25</sup> Ebul Kasem apo ebu Muhamed Ed Dahak ibn Muzahim el Hilalij. Ibn Haxher ka thënë: “I vërtetë, shumë përcjellës. Është prej shtresës së

*“Vërtet, Profeti thoshte: ‘Ne jemi Ehli Bejti, të cilët Allahu i pastroi. Jemi nga pema e profetësisë, vendzbritja e mesazhit dhe i melekëve, shtëpia e mëshirës dhe miniera e dijes.’”<sup>26</sup>*

Në tefsirin Et Tabarij dhe në Dhekhairul Ukba i Muhib Et Tabarij, shprehja është e të parit, transmetohet nga Ebu Said El Khuderij, i cili ka thënë se i Dërguari i Allahut ka thënë: *“Ky ajet ka zbritur për të pestët: për mua, Aliun, Hasanin, Hysejnin dhe Fatimenë.”*

**“O Familje e Profetit! Në të vërtetë, Allahu do që ta largojë prej jush**

---

pestë. Biografia e tij gjendet tek Takrijbu Et Tehdhijb, 1: 273.

<sup>26</sup> Tefsiri i ajetit tek *Ed Durul Menthur*, 5:199.

.....Ajeti i Pastrimit në burimet sunnite dhe shiite.....

## **papastërtinë dhe t'ju pastrojë plotësisht.”<sup>27</sup>**

Në Mushkilul Athar<sup>28</sup> transmetohet nga Umu Seleme, e cila ka thënë: “Ky ajet ka zbritur për të Dërguarin e Allahut, për Aliun, për Hasanin, për Hysejnin (Paqja qoftë mbi ta!): **“O Familje e Profetit! Në të vërtetë, Allahu...”**” Në transmetimet e shkuara u sqarua e u qartësua ajeti nga Profeti me fjalë dhe me vepër.

Në Sahihun Muslim transmetohet nga sahabiu (shoku) Zejd ibn Erkam kur u pyet: “Kush janë Ehli Bejti? Gratë e tij?” Ai tha: “Jo. Beto hem në Allahun se gruaja qëndron për një kohë me burrin. Ai e ndan atë

---

<sup>27</sup> Tefsiri Et Tabarij, 22:5. Dhekhairul Kubra i Muhibu Et Tabarij: 24. Tefsiri Es Sujutij, 5: 198. Ibn Asakir, 5:1, 16. Esbabu Nuzul i Nijsaburij.

<sup>28</sup> Mushkilul Athar, 1:332.



*e ajo kthehet te familja e vet dhe te populli i saj. Ehli Bejti i tij është gjeneza (trungu) dhe më të afërmit e tij, të cilëve u është ndaluar t'u jepet sadakaja pas tij (Profetit)."*<sup>29</sup>

Në Mexhmau Zeuaid i Hejthemit transmetohet nga Ebu Said El Khuderij: *"Ehli Bejti janë ata, të cilëve Allahu ua largoi ndytësinë dhe i pastroi plotësisht. Ai i numëroi në dorën e tij dhe tha pesë: i Dërguari i Allahut (Paqja dhe bekimet e Allahut qofshin mbi të dhe mbi familjen e tij!), Aliu, Fatimeja, Hasani dhe Hysejni (Paqja qoftë mbi ta!)."*<sup>30</sup>

Tabarij në tefsirin e tij transmeton nga Kudate thënien e tij rreth shpalljes së Allahut: **"O Familje e Profetit! Në të vërtetë, Allahu do që ta largojë prej jush**

---

<sup>29</sup> *Sahihu Muslim*, kreu Fadailu Ali ibn Ebu Talib (virtytet e Aliut), 7:133

<sup>30</sup> *Mexhmau Zeuaid*, 6:165 dhe 167, kreu *Fadailu Ehlil Bejt*. Ibn Asakir, 5: 1 dhe 16.

.....Ajeti i Pastrimit në burimet sunnite dhe shiite.....

**papastërtinë dhe t'ju pastrojë plotësisht.**", i cili ka thënë: *"Ata janë Ehli Bejti që Allahu i pastroi prej të këqijave dhe i ka veçuar me mëshirën e Tij."*<sup>31</sup>

Gjithashtu, Tabarij në komentimin e ajetit: **"O Familje e Profetit! Në të vërtetë, Allahu do që ta largojë prej jush papastërtinë dhe t'ju pastrojë plotësisht."** ka thënë: *"O familje e Muhamedit! Allahu ka për qëllim që të largojë prej jush të keqen dhe ndytësinë dhe t'ju pastrojë prej papastërtisë që gjendet te gjynahqarët dhe kundërshtarët e Allahut."*<sup>32</sup>

---

<sup>31</sup> Tefsiri i ajetit tek Tabarij, 22:5. *Ed Durul Menthur*, 5:199.

<sup>32</sup> Tefsiri i ajetit tek Tabarij, 22:5. *Ed Durul Menthur*, 5:199.

## **Çfarë bëri i Dërguari (Paqja dhe bekimet e Allahut qofshin mbi të dhe mbi familjen e tij!) pas zbritjes së ajetit?**

Në Mexhmau Zeuaid transmetohet nga Ebu Berzetu që ka thënë: *“U fala me Profetin shtatëmbëdhjetë muaj. Kur dilte nga shtëpia e tij, shkante tek dera e Fatimesë (Paqja qoftë mbi të!) dhe thoshte: “Bekimet qofshin mbi ju, “...O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”*<sup>33</sup>

Në tefsirin Es Sujutij transmetohet nga ibn Abassi, i cili ka thënë: *“E kam parë*

---

<sup>33</sup> Mexhmau Zeuaid, 9:169.

.....Ajeti i Pastrimit në burimet sunnite dhe shiite.....

të Dërguarin e Allahut (Paqja dhe bekimet e Allahut qofshin mbi të dhe mbi familjen e tij!) nëntë muaj duke shkuar çdo ditë te dera e Ali ibn Ebu Talibit në çdo kohë të namazit dhe duke thënë: “Es selamu alejkum ue rahmetullahi ue berekatuhu Ehlel Bejt (Paqja dhe bekimet e Allahut qofshin mbi ju, o Ehli Bejt!)”, dhe **“O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”** çdo ditë nga pesë herë.”<sup>34</sup>

Në sahihun Termidhij, Musned Ahmedi, Musned Et Tajalisij, Mustedrek Sahihejn, Usdul Gabeh, në Tefsirin e Tabarij, të ibn Kethijrit, Es Sujutij, shprehja është e të parit, transmetohet nga Enes ibn Malik: “I Dërguari i Allahut (Paqja dhe bekimet e Allahut qofshin mbi të dhe mbi familjen e tij!)

---

<sup>34</sup> Tefsiri i ajetit tek *Ed Durul Menthur*, 5: 195.

sa herë që dilte për namaz për gjashtë muaj, kalonte te dera e Fatimesë (Paqja qoftë mbi të!) dhe thoshte: 'Namaz, o Ehli Bejt!' dhe **'O Familje e Profetit! Në të vërtetë, Allahu do që ta largojë prej jush papastërtinë dhe t'ju pastrojë plotësisht.'**<sup>35</sup>

Në El Istiab, Usdul Gabe, Mexhmau Zeuaid, Mushekilul Athar, në tefsirin e Et Tabarij, në tefsirin e ibn Kethijrit, në tefsirin Es Sujutij, shprehja është e të parit, transmetohet nga El

---

<sup>35</sup> *Mustedrek Sahihejn*, 3:158. Ka thënë se hadithi është i saktë, me kusht të dy shejhëve dhe nuk e kanë transmetuar atë. *Usdul Gabe*, 5:521. *Musned Ahmed*, 3:258. Komentimi i ajetit në tefsirin *Et Tabarij*, 22:5. *Tefsir ibn Kethijr*, 3:483. *Ed Durul Menthur* i Es Sujutij, 5:199. *Musned Et Tajalisij*, 8:274. *Sahijh Termidhij*, 12:85 në tefsirin e sures "Ahzab". *Shih, Kenzul Ummal*, 7:103, botimi i parë. *Xhamiul Usul*, 10:101, hadithi 6691. *Tefsiril Vusul*, 3:297.

.....Ajeti i Pastrimit në burimet sunnite dhe shiite.....

Hamrau,<sup>36</sup> i cili ka thënë: “Mbaj mend nga i Dërguari i Allahut se sa herë që dilte për të falur namazin e drekës për tetë muaj në Medine shkonte te dera e Aliut. Ai vendoste duart në dy anët e derës dhe pastaj thoshte: ‘*Namaz, namaz.*’ dhe **“O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”** Në një transmetim thuhet gjashtë muaj, në një tjetër, shtatë muaj, në të tretin, tetë muaj dhe në të katërtin, nëntë muaj.<sup>37</sup>

---

<sup>36</sup> Ebu El Hamrau: Shërbyesi i të Dërguarit të Allahut. Thuhet se emri i tij është Hilal ibn Harith. Thuhet Hilal ibn Dhafer. *Usudul Gabeh*, 5:174. *Tehdhijbu Et Tehdhijb*: 12:78.

<sup>37</sup> Transmetimet e Ebu El Hamrau në *El Istiab*, 2:598. Terxhemetu (biografia) prej *El Istiab*, 5:637. Në tefsirin Et Tabarij, ibn Kethijr, Es Sujutij,

Në Mexhmau Zeuaid, në Tefsir Es Sujutij, transmetohet nga Ebu Said El Khuderij me ndryshim në shprehjen e tij:  
*“Profeti shkoi dyzet sabahe te dera e shtëpisë së Fatimesë (Paqja qoftë mbi të!) dhe thoshte: “Es selamu alejkum, Ehlel Bejt, ue rahmetullahi ue berekatuhu (Paqja dhe bekimet e Allahut qofshin mbi ju, o Ehli Bejt!), namaz, Allahu ju mëshiroftë! dhe ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’ Unë jam luftëtar i atyre që ju luftojnë juve dhe paqësor me ata që janë në paqe me ju.”<sup>38</sup>*

---

komentimi i ajetit. Biografia e Ebu El Hamrau në *Usdul Gabeih*, 5:174.

<sup>38</sup> *Mexhmau Zeuaid*, 9:169. *Tefsir Es Sujutij*, 5:199.

.....Ajeti i Pastrimit në burimet sunnite dhe shiite.....

## **Kush e ka shfrytëzuar ajetin e begatë për t'i vërtetuar virtytet e Ehli Bejtit?**

### **a- Hasan ibn Ali (Paqja qoftë mbi të!)**

El Hakimi në Mustedrek Es Sahihejn, kapitulli “Virtytet e Hasan ibn Ali” dhe Hejthemi në kapitullin “Virtytet e Ehli Bejtit”, transmetojnë se Hasan ibn Ali, kur u vra Aliu, u foli njerëzve duke u thënë: *“O ju njerëz! Ai që më njeh, më njeh dhe kush nuk më njeh, unë jam Hasani, i biri i Aliut. Unë jam djali (nipi) i Profetit dhe djali i kujdestarit (vasijit). Jam djali i përgëzuesit dhe i qortuesit. Jam djali i thirrësit në Allahun me lejen e Tij. Jam djali i pishtarit ndriçues. Unë*



*jam prej Ehli Bejtit, ku Xhebraili vinte tek ne dhe ngrihej nga ne. Unë jam prej Ehli Bejtit, të cilëve Allahu ua largoi papastërtitë dhe i pastroi plotësisht...”<sup>39</sup>*

Në Mexhmau Zeuaid, në tefsirin e ibn Kethijr, e shprehja është nga i pari, thuhet se kur u vra Aliu, Hasan ibn Ali e zëvendësoi. Në kohën që po falte namaz me xhemat, një burrë e goditi me thikë në ijen e tij dhe prej saj u sëmur disa muaj. Pastaj, hipi në minber dhe u mbajti një fjalim njerëze, duke u thënë: *“O banorë të Irakut! Frikësojuni Allahut për ne, sepse ne jemi prijësat tuaj. Ne jemi Ehli Bejti, për të cilin Allahu ka thënë: **“O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”** Ai vazhdoi të fliste dhe në xhami*

---

<sup>39</sup> *Mustedrekul Hakim*, kapitulli: Prej virtyteve të Hasan ibn Ali, 3:172.

.....Ajeti i Pastrimit në burimet sunnite dhe shiite.....

të gjithë qanin.” Ai ka thënë: “Këtë e ka transmetuar Tabarani dhe transmetuesit janë të besueshëm.”<sup>40</sup>

## **b- Umu Seleme**

Në Mushekil El Athar, i Tahauij, transmetohet nga Umretu El Hamedanijeh, e cila ka thënë: “Shkova te Umu Seleme dhe e përshëndeta. Ajo më tha: ‘Kush je ti? Jam Umretu El Hamedanijeh.’ - i thashë. Umretu i tha: ‘O Nëna e besimtarëve, më trego për këtë burrë, është i dashur apo i urryer.’ - e kishte fjalën për Ali ibn Ebu Talibin. Umu Seleme i tha: ‘A e do atë apo e urren?’ Ajo i tha: ‘As nuk e dua, as nuk e

---

<sup>40</sup> Mexhmau Zeuaid, kapitulli ‘Virtytet e Ehli Bejt’ (Fadail Ehlul Bejt), 9:172. Tefsir ibn Kethijr, tefsiri i ajetit, 3:486.

*urrej.’ Atëherë zbriti ajeti: “O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.” dhe në shtëpi ishin: Xhebraili, Profeti, Aliu, Fatimeja, Hasani dhe Hysejmi (Paqja qoftë mbi ta!). Unë (Umu Seleme) i thashë: ‘O i Dërguari i Allahut! Po unë, jam prej Ehli Bejtit?’ Ai tha: ‘Ti tek Allahu je e mirë.’ Dëshirova të thoshte ‘Po.’, e cila ishte më e mirë për mua se e gjithë dynjaja.”<sup>41</sup>*

## **C- Sa’ad ibn Ebu Uekas**

Në El Khasais i Nisait, transmetohet nga Amir ibn Sa’ad ibn Ebu Uekas, i cili ka thënë: “Muauije e urdhëroi Sa’adin duke i thënë: ‘Çfarë të pengon të shash

---

<sup>41</sup> *Mushkilul Athar*, 1:336.

.....Ajeti i Pastrimit në burimet sunnite dhe shiite.....

(ofendosh) Ebu Turabin?' I tha (Sa'adi): 'M'u kujtuan tri gjëra që përmendi i Dërguari dhe kurrë nuk e shaj atë. Sikur të ishte tek unë një prej tyre, do të ishte më e dashur për mua se "humru nia'm" (devetë e kuqe të cilat janë më të shtrenjtat).' E kam dëgjuar të Dërguarin e Allahut duke i thënë atij (Aliut) dhe e caktoi zëvendës në disa beteja. Aliu i tha atij: 'O i Dërguari i Allahut! A po më lë zëvendës te gratë dhe fëmijët?' I Dërguari i Allahut i tha: 'A nuk dëshiron të jesh tek unë në atë pozitë siç ishte Haruni te Musai, me përjashtim se s'ka profetësi pas meje?' E kam dëgjuar atë të thotë në ditën e Khajberit: 'Nesër do t'ia jap flamurin një burri që e do Allahun dhe të Dërguarin e Tij dhe Allahu dhe i Dërguari i Tij e duan atë.' Ne e pritëm se kujt do t'ia jepte dhe ai tha: 'Më thirrni Aliun.' Atë e sollën dhe sytë i dhimbnin. Profeti ia fërkoi sytë me pështymën e tij dhe i dorëzoi flamurin. Kur

**zbriti ajeti: “O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.”**, i Dërguari i Allahut ftoi Aliun, Fatimenë, Hasanin dhe Hysejnin dhe tha: ‘O Zoti im! Këta janë Ehli Bejti im.’”<sup>42</sup> Në komentimin e ajetit tek ibn Xheriri dhe ibn Kethijri, në Mustedrek El Hakim, Mushekilul Athar i Tahauij, e shprehja është e të parit, transmetohet se Sa’adi ka thënë: “Kur të Dërguarit të Allahut i zbriti Shpallja, mori Aliun, dy djemtë e tij dhe Fatimenë dhe i futi nën rrobën e tij e pastaj tha: ‘Këta janë familja ime dhe Ehli Bejti im.’”<sup>43</sup>

---

<sup>42</sup> Khasais Nisai, 4.

<sup>43</sup> Tefsir Et Tabarij, 22:7. Ibn Kethijr, : 485, shprehja është e të parit. Mustedrekul Hukam. 3:147. Mushkilul Athar, 1: 336.

.....Ajeti i Pastrimit në burimet sunnite dhe shiite.....

## **d- Ibn Abbas**

1- Në Tarikh et Tabarij dhe ibn El Ethijr, shprehja është e të parit dhe thuhet se kur Umeri i tha ibn Abbasit: *“Vallahi, në zemrat tuaja, o beni Hashim, s’ka tjetër veçse smirë që gërryen përbrenda dhe urrejtje që nuk largohet.”*, Ibn Abbasi i tha: *“Ngadalë, o prijës i besimtarëve! Mos i cilëso kështu zemrat e atij kombi, të cilëve Allahu ua largoi papastërtinë dhe i pastroi plotësisht nga smira, nga urrejtja dhe nga mashtrimi. Vërtet, zemra e të Dërguarit të Allahut është prej zemrave të beni Hashim.”*<sup>44</sup>

2- Në Musnedin e imamit të Hambelivë, Ahmedit, në Khasaisu Nisai, në Rijadu Nadretu i Muhibbu Tabarij dhe

---

<sup>44</sup> Tarikhu Tabarij, 5:31.

në Mexhmau Zeuaid i Hejthemij<sup>45</sup>, shprehja është e të parit, transmetohet nga Amru ibn Mejmun,<sup>46</sup> i cili ka thënë: “Unë isha ulur te ibn Abbasi dhe tek ai erdhën nëntë persona dhe i thanë: ‘O ibn Abbas! Ose duhet të vish tek ne ose duhet të largohen ata.’ Ai u tha: ‘Unë vij tek ju.’ Amru ka thënë: ‘Ai (ibn Abbasi) nuk ka qenë i verbër në atë kohë.’ Ata filluan të bisedonin dhe nuk e dimë çfarë thonin. Ai erdhi duke shkundur rrobën e tij dhe thoshte: “Uf, uf! Flasin për njeriun që ka

---

<sup>45</sup> Hadithi i gjatë ndodhet në *Musned Ahmed*, 1:331, botimi i parë. Në të ibn Abbasi ka përmendur dhjetë virtyte për Ali ibn Ebu Talib. Atë e ka përmendur Nisai në *El Khasais*, 11. El Muhibbu Et Tabarij në *Rijadu Nadratu*, 2:269. Mexhmau Zeuaid i El Hejthemij, 9:119.

<sup>46</sup> Amru ibn Mejmun El Eudij është tabiun i besueshëm (thikatun). Nga ai kanë transmetuar autorët e Sahihave. Ka vdekur në vitin 74 të hixhrit në Kufe. *Takrijbu Tahdhijb*, 2:80.

.....Ajeti i Pastrimit në burimet sunnite dhe shiite.....

*dhjetë...” e deri te thënia e tij: ‘I Dërguari i Allahut mbuloi me rrobën e tij Aliun, Fatimenë, Hasanin dhe Hysejnin dhe tha: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’”*

### **c- Uathiletu ibn El Eska’**

Transmeton Et Tabarij në komentimin e ajetit, ibn Hanbeli në Musnedin e tij, El Hakimi në Mustedrekun e tij, i cili ka thënë: “*I saktë sipas kushtit të dy shejhëve, Bajhakij në Sunenin e tij, Et Tahauj në Mushekelilul Athar dhe Hejthemij në Mexhmau Zeuaid, shprehja është e të parit, transmetojnë nga Ebu*



*Ammari,<sup>47</sup> i cili ka thënë: 'Unë po rrija tek Uathiletu ibn El Eska'. Aty kujtuan Aliun dhe e shanë atë. Kur u larguan, Uathiletu tha: 'Ulu që të të tregoj për atë që shanë.' Unë po rrija tek i Dërguari i Allahut dhe tek ai erdhën Aliu, Fatimeja, Hasani dhe Hysejni. Ai i mbuloi ata me mbulesë dhe tha: 'O Zoti im! Këta janë Ehli Bejti im. O Zoti im! Largoje prej tyre papastërtinë dhe pastroji ata plotësisht.'"<sup>48</sup> Atë e transmeton me detaje*

---

<sup>47</sup> Ebu Ammar është Shedad ibn Abdullah El Kureshij Ed Dimashkij. Është i besueshëm (thikatun) prej shtresës së katërt. Hadithin e tij e kanë transmetuar autorët e Sahihave. Biografia e tij në *Takribu Tahdhijb*, 1: 347.

<sup>48</sup> *Mushkilul Athar* i Tahauij, 1:346. Komentimi i ajetit tek Tabarij, 6:22. *Musned Ahmed*, 4:107. Ai e rregulloi frazën e tij dhe hoqi prej hadithit fjalën (e shanë atë) dhe (atë që shanë). *Mexhmau Zeuaid*, 9:167. *Mustedrek El Hakim*, 2:416 dhe 3:147. *Sunen El*

.....Ajeti i Pastrimit në burimet sunnite dhe shiite.....

më të shumta ibn Asakiri në librin e tij të historisë.

Në Usdul Gabeti transmetohet nga Sheddad ibn Abdullahu, i cili ka thënë: *“Kam dëgjuar Uathiletu ibn El Eska’, të cilit, kur i sollën kokën e Hysejnit, një burrë nga Shami e mallkoi atë dhe babanë e tij (Hysejnin dhe babanë e tij). Uathiletu u çua e tha: ‘Betohem në Allahun, unë vazhdoj ta dua Aliun, Hasanin, Hysejni dhe Fatimenë (Paqja qoftë mbi ta!), pasi e kam dëgjuar të Dërguarin e Allahut të thotë për ata: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’”*<sup>49</sup>

---

Bejhakij, 2:152. Tefsir ibn Kethijr, 3:484. Ibn Asakir, 5:1,16 elif.

<sup>49</sup> Usdul Gabe, 2:20, te biografia e Hasanit.

Po ashtu transmetohet nga Umu Seleme<sup>50</sup>.

Në Musnedin Ahmed në Tefsir Et Tabarij dhe në Mushekelul Athar, e fraza është e të parit, transmetohet nga Shehr ibn Hausheb<sup>51</sup>, i cili ka thënë: *“Kam dëgjuar Umu Selemetu, bashkëshorten e Profetit, kur ngushëlloi Hysejn ibn Ali, e ajo mallkoi banorët e Irakut dhe tha: ‘E vranë atë. I vraftë Allahu! E mashtruan dhe e poshtëruan. Allahu i mallkoftë!’ Vërtet, unë kam parë të Dërguarin e Allahut... e deri te thënia e saj: "Ai hoqi mbulesën e prodhuar në*

---

<sup>50</sup> E kemi përmendur shkurtimisht hadithin dhe hadithi i gjatë ndodhet në Musned Umu Selemetu prej Musnedit të Ahmedit.

<sup>51</sup> Shehru ibn Hausheb El Esh’arij Esh Shamij: I besushëm, prej shtresës së tretë. Hadithin e tij e transmetojnë autorët e Sahihave. Vdiq në vitin 112 të hixhrit. Biografia e tij në *Takrijbu Tahdhijb*, 1:355.

.....Ajeti i Pastrimit në burimet sunnite dhe shiite.....

*Khajber, i mbuloi ata të gjithë dhe tha: 'O Zoti im! Ehli Bejti im. Largoje prej tyre papastërtinë dhe pastroji ata plotësisht.'*"<sup>52</sup>

*f- Ali ibn Hysejn Es Sexhad*

Et Tabarij, ibn Kethijri dhe Es Sujuti, në komentimin e ajetit transmetojnë se Ali ibn Hysejni i tha një burri prej banorëve të Shamit: **"A nuk e ke lexuar në suren "Ahzab": 'O Familje e Profetit! Në të vërtetë, Allahu do që ta largojë prej jush papastërtinë dhe t'ju**

---

<sup>52</sup> E kemi përmendur të përmbledhur hadithin. Më i gjatë ndodhet tek *Musned Ahmed*, 3:298 me *Musned Umu Seleme*. Tefsir *Et Tabarij*, 22:6. *Mushkilul Athar*, 1:335 dhe *Ibn Asakir*, 5:1,14 elif.

**pastrojë plotësisht.”** Burri i tha: *“Ju jeni ata?”* Ai iu përgjigj: *“Po.”*<sup>53</sup>

Ndodhinë e plotë e përmend El Khauarizmi në El Maktel: Kur Sexhadin, së bashku me gratë e Ehli Bejtit, pas vrasjes së nipit të të Dërguarit të Allahut, Hysejnit, i çuan në Sham dhe i vendosën te shkallët e xhamisë së Damaskut, në vendparaqitjen e femrave, tek ai erdhi një plak dhe tha: *“Falënderimi i takon Allahut që ju vrau, ju shkatërroi, i lehtësoi robtë prej njerëzve tuaj dhe e mundësoi prijësin e besimtarëve prej jush.”*

*Ali ibn Husejn i tha atij: “O plak! A e ke lexuar Kur’anin?”*

*Ai i tha: “Po.”*

*Aliu i tha: “A e ke lexuar këtë ajet: “Thuaju: ‘Për këtë nuk kërkoj kurrfarë shpërblimi*

---

<sup>53</sup> Tefsir Et Tabarij, 22:7. Ibn Kethijr, 3:486. Ed Durul Menthur, 5:199.

.....Ajeti i Pastrimit në burimet sunnite dhe shiite.....

*tjetër prej jush, përveç dashurisë për të afërmit...”* (Sure “Shura”, ajeti 23)

*Plaku i tha: “E kam lexuar.”*

*Aliu i tha: “A e ke lexuar thënien e Tij: “Jepuni të afërmeve të drejtën e tyre...”* (Sure “Isra”, ajeti 26) dhe thënien e Tij: “**Ta dini se çfarëdo që të fitoni si plaçkë lufte, një e pesta i takon Allahut, të Dërguarit dhe farefisit të tij...**” (Sure “Enfal”, ajeti 41)?

*Plaku i tha: “Po.”*

*I tha: “Betohem në Allahun, se ne jemi të afërmit në këto ajete. A e ke lexuar thënien e Allahut të Madhëruar: ‘**O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.**’”?*

*Plaku tha: “Po.”*

*Ai i tha: “Ne jemi Ehli Bejti, të cilët jemi specifikuar në ajetin e pastrimit.”*

*Plaku i tha: “Ju betohem në Allahun, ju jeni ata?!”*

*I tha: “Për hir të së drejtës së gjyshit tonë, të Dërguarit të Allahut, ne jemi ata pa asnjë dyshim.”*

*Plaku heshti i penduar për ato që tha. Pastaj ngriti kokën drejt qiellit dhe tha: “O Zoti im! Unë pendohem tek Ti prej urrejtjes së tyre. Unë shfajësohem tek Ti prej armikut të Muhamedit dhe Familjes së Muhamedit, nga xhindet dhe njerëzit.”<sup>54</sup>*

Po mjaftohemi me këtë sasi të përmendur prej transmetimeve të hadithit të Kisait (mbulesës)<sup>55</sup>. Në të ka

---

<sup>54</sup> *Maktel El Khauarizmij, 2:61, botimi Nexhef.*

<sup>55</sup> Këtu lamë pa përmendur hadithe të tjera siç është ai i ardhur në biografinë e Atijetu tek *Usdul Gabe, 3:413. El Isabetu, 3:489. Tarijkhu Bagdad, 10:278. Transmetimin e Hakim ibn Said në tefsirin e Et Tabarij, 22:5. Si dhe transmetime të tjera në Musned Ahmed, 6:304; Usdul Gabe, 2:12 dhe 4:29;*

.....Ajete i Pastrimit në burimet sunnite dhe shiite.....

mjaftueshmëri për këdo që dëshiron të kapet me Kur'anin dhe të marrë tefsirin e tij nga Profeti dhe Familja e tij.

Allahu i Madhëruar thotë: **“Vërtet, këtu ka këshillë për këdo që ka zemër, dëgjon me vëmendje dhe dëshmon.”** (Sure “Kaf”, ajete 37)

---

*Mexhmau Zeuaid, 9:206 dhe 207; Dhekhairul Ukba, i Muhibb Et Tabarij,21; El Istiab, 2:460 dhe Ibn Asakir, 5/1/13/16.*



## **Ajeti i pastrimit në burimet e Medresesë së Ehli Bejtit**

(Paqja qoftë mbi ta!)

### **Shkaku i zbritjes së ajetit të pastrimit dhe i hadithit të Kisait (mbulesës)**

1- Transmetimi i nënës së besimtarëve, Umu Selemes<sup>56</sup>

a) Transmetohet nga Shehr ibn Heushebi, i cili ka thënë: “*Shkova tek Umu Seleme, bashkëshortja e Profetit (Paqja dhe bekimet e Allahut qofshin mbi të dhe mbi familjen e tij!) për ta përshëndetur. Unë i thashë: “A e kujton këtë ajet, o nëna e*

---

<sup>56</sup> Tefsir *Furat*, i ibn Ibrahim el Kufij:121. Tefsir *Mexhmaul Bejan*, 8:356. *Biharul Anuar*, 35:213.

.....Ajeti i Pastrimit në burimet sunnite dhe shiite.....

**besimtarëve: ‘O Familje e Profetit! Në të vërtetë, Allahu do që ta largojë prej jush papastërtinë dhe t’ju pastrojë plotësisht.’”?** Ajo tha: ‘Unë dhe i Dërguari i Allahut po flinim nën mbulesën e prodhuar në Kajber. Erdhi Fatimeja (Paqja qoftë mbi të!) së bashku me Hasanin dhe Hysejnin. Profeti tha: ‘Ku është djali i xhaxhait tënd?’ Ajo i tha: ‘Në shtëpi.’ Ai i tha: ‘Shko e thërriti.’ Umu Seleme tha: ‘Ajo e thirri atë dhe Profeti e mori mbulesën nga poshtë nesh dhe e mbështolli atë. Pastaj i mori të gjithë për dore dhe tha: ‘O Zoti im! Këta janë Ehli Bejti im. Largoje prej tyre papastërtinë dhe pastroji plotësisht ata.’ Unë isha ulur pas të Dërguarit të Allahut (Paqja dhe bekimet e Allahut qofshin mbi të dhe mbi familjen e tij!) dhe i thashë: ‘O i Dërguari i Allahut, të betohem se ti je nëna dhe babai im, po unë?’ Ai tha: ‘Ti je në mirësi’ dhe zbriti ajeti: **‘O Familje e Profetit! Në të vërtetë,**

.....Xhafer Subhani.....

**Allahu do që ta largojë prej jush  
papastërtinë dhe t'ju pastrojë plotësisht.'**  
*për Profetin, Aliun, Fatimenë, Hasanin dhe  
Hysejnin (Paqja qoftë mbi ta!).''*

## Pasqyra e lëndës

Ajeti i Pastrimit në burimet sunnite dhe shiite.....	5
Ajeti i Pastrimit në burimet e Ehli Sunnetit.....	9
Lloji i mbulesës.....	11
Mënyra e qëndrimit të Ehli Bejtit nën Kisa (mbulesë).....	15
Vendi i grumbullimit të Ehli Bejtit (Paqja qoftë mbi ta!).....	19
Kush ishte në shtëpi kur zbriti ajeti?.....	24
Si ishin Ehli Bejtë kur zbriti ajeti?.....	25
Sqarimi i fjalëve të ajetit.....	27
Komentimi i ajetit në hadithe.....	30
Çfarë bëri i Dërguari pas zbritjes së ajetit?.....	35

.....*Xhafer Subhani*.....

Kush e ka shfrytëzuar ajetin e begatë për t'i vërtetuar virtytet e Ehli Bejtit?.....	40
Ajeti i pastrimit në burimet e Medresesë së Ehli Bejtit.....	57

.....Ajeti i Pastrimit në burimet sunnite dhe shiite.....

نام کتاب: علی مائدة الكتاب و السنة

( آية التطهير عند الفريقين )

۲

نویسنده: جعفر سبحانی

تیرانا: ۲۰۱۵

نام کتاب: علی مائدة الكتاب و السنة

(آية التطهير عند الفريقين) ۲

نویسنده: جعفر سبحانی

مترجم: ولنت مریا

ویرایش: لیسدا رامای

مقابله: ویولسا کارای

صفحه بندی و جلد: صبریه فزا

ناشر: جمعیت النسیم

تیرانا: ۲۰۱۵